



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1521. usque ad annum 1525

Fleury, Claude

August. Vind. [u.a.], 1769

VD18 90118472

§. 42. Mutuæ Francisci I. de Carolo querelæ.

[urn:nbn:de:hbz:466:1-66495](https://nbn-resolving.org/urn:nbn:de:hbz:466:1-66495)

Sæc. XVI. tamen Sfortiæ ac Imperio obnoxius ef-
A.C. 1521. set, eoquod conditionibus, a quibus il-
 lius dominium pendebat, non adimple-
 tis, inaugurationis diploma haud am-
 plius valeret, vi cuius tamen folius Gal-
 liarum Rex tunc Ducatum sibi vendi-
 care possit.

§. XLII.

*Mutuae Francisci I. de Carolo Cæsare
quærelæ.*

Nec suæ Francisco deerant querendi
 causæ, ac primo quidem violatam
 duplicis promissi fidem opponebat, eique
 exprobrabat, quod in Noviodunensi tra-
 ctatu cautum fuisset, ut Navarræ Re-
 gnum Henrico Albreto redderetur, data
 centies mille aureorum pensione, hac-
 que sub lege, Franciscus omnibus juri-
 bus suis in Neapolis regnum cessisset;
 Carolus tamen hucusque sinceri Viri
 partes explere, datamque fidem libera-
 re parum fuisset sollicitus, quinimo non
 modo semestri, quod ad solvendam pro-
 missi fidem concedebatur, præterlabi
 permisisset, sed etiam nequidem ad mo-
 nita, quæ pactis utrinque firmatis per
 duos vel omnino tres annos iterata fue-
 rant, unquam respondere voluisset.
 Alterum, de quo Galliarum Rex con-
 querebatur, erat, quod Carolus ob Flan-
 driæ

driæ & Arthesiæ Comitatus Francisco Carol. XVI.
 clientelare obsequium præstare recusa- A. C. 1521.
 verit, & quamvis jam olim sese eidem
 obnoxium esse professus esset, nunc ve-
 ro ea duntaxat ex caussa (ut inquiebat
 Rex) sese subjicere renueret, quod e-
 jusmodi subjeccio Imperiali Majestati
 parum congrueret, ac omnino adversa-
 retur.

§. XLIII.

*Belli initia Caroli V. adversus
 Franciscum I.*

Tandem a verborum contentione res
 brevi ad armorum violentiam deve-
 nit: quamprimum enim Carolus V. fœ-
 dere nuper inito de Pontificis auxi-
 lio certus erat, Henricum Nassoviæ Co-
 mitem in Robertum Marchianum mo-
 vere jussit, moxque Henricus in Bullio-
 nensi Ducatu quatuor aut quinque ur-
 bes occupavit, & Nivellum Logniæ Gu-
 bernatorem, ac viginti ferme præsidia-
 rios Meslancurtii laqueo suspendi
 curavit, ac demum Bullionensi urbe per
 civium proditionem occupata Gerna-
 cum secundum Roberti Marchiani filium
 captum Namurcum abstraxit. His vi-
 ctoriis contentus Imperator, sex septi-
 manarum inducias Roberto indulsit;
 verum Caroli copiis indies auctis Fran-
 ciscus